

## ЧИН МАЛОГО ПОВЕЧЕРИЯ

**Иерей:** Благословен Бог наш, всегда,  
ныне и присно, и во веки веков.  
**Чтец:** Аминь.

**Аще же иерея несть, глаголи:**  
Молитвами святых отец наших, Господи,  
Иисусе Христе, Боже наш, помилуй нас.  
Аминь.

**Таже:** Слава Тебе, Боже наш, слава Тебе.

Царю Небесный, Утешителю, Душе истины, Иже везде Сый и вся исполняй,  
Сокровище благих и жизни Подателю, прииди и вселися в ны, и очисти ны от всякия  
скверны, и спаси, Блаже, души наша.

**Таже:** Трисвятое. Пресвятая Троице... Отче наш...

**Иерей:** Яко Твое есть Царство, и сила, и  
слава, Отца и Сына, и Святаго Духа,  
ныне и присно, и во веки веков  
**Чтец:** Аминь.

**Аще же иерея несть, абие:**

Господи, помилуй (12 раз). Слава Отцу и Сыну, и Святому Духу, и ныне, и  
присно, и во веки веков. Аминь.

Приидите, поклонимся Царю нашему Богу. Приидите, поклонимся и припадём  
Христу, Царю нашему Богу. Приидите, поклонимся и припадём Самому Христу,  
Царю и Богу нашему.

**Таже Псалом 50:** Помилуй мя, Боже, по велицей милости Твоей, и по множеству  
щедрот Твоих очисти беззаконие мое. Наипаче омый мя от беззакония моего, и от  
греха моего очисти мя. Яко беззаконие мое аз знаю и грех мой предо мною есть  
вину. Тебе Единому согреших, и лукавое пред Тобою сотворих, яко да оправдишися  
во словесах Твоих и победиши, внегда судити Ти. Се бо, в беззакониих зачат есмь, и  
во гресех роди мя мати моя. Се бо, истину возлюбил еси, безвестная и тайная  
премудрости Твоея явил ми еси. Окропиши мя иссопом, и очищуся, омыеши мя, и  
паче снега убелюся. Слуху моему даши радость и веселие, возрадуются кости  
смиренныя. Отврати лице Твое от грех моих, и вся беззакония моя очисти. Сердце  
чисто созижди во мне, Боже, и дух прав обнови во утробе моей. Не отвержи мене от  
лица Твоего, и Духа Твоего Святаго не отыми от мене. Воздаждь ми радость  
спасения Твоего, и Духом Владычним утверди мя. Научу беззаконныя путем Твоим,  
и нечестивии к Тебе обратятся. Избави мя от кровей, Боже, Боже спасения моего,  
возрадуется язык мой правде Твоей. Господи, устне мои отверзешу, и уста моя  
возвестят хвалу Твою. Яко аще бы восхотел еси жертвы, дал бых убо, всесожжения  
не благоволиши. Жертва Богу дух сокрушен, сердце сокрушенно и смиренно Бог не  
уничтожит. Ублажи, Господи, благоволением Твоим Сиона, и да созиждутся стены  
Иерусалимския. Тогда благоволиши жертву правды, возношение и всесожегаемая,  
тогда возложат на олтарь Твой тельцы.

**И Псалом 69:** Боже, в помощь мою вонми, Господи, помощи ми потщися. Да  
постыдятся и посрамятся ищущии душу мою, да возвратятся вспять и постыдятся

хотящие ми злая. Да возвратятся а́бие стыдящиеся глаголющие ми: благоже, благоже. Да возрадуются и возвеселятся о Тебе вси ищущи Тебе, Бо́же, и да глаголют вы́ну, да возвеличится Господь, любящий спасение Твое: аз же нищ есмь и убог, Бо́же, помози ми: Помощник мой и Избавитель мой еси Ты, Господи, не закосни́.

**И Псалом 142:** Господи, услыши молитву мою, внуши моление мое во истине Твоей, услыши мя в правде Твоей и не вниди в суд с рабом Твоим, яко не оправдится пред Тобою всяк живый. Яко погна враг душу мою, смирил есть в землю живот мой, посадил мя есть в темных, яко мертвья века. И уны во мне Дух мой, во мне смятесе сердце мое. Помянух дни древния, поучихся во всех делех Твоих, в творениих руку Твоею поучахся. Воздох к Тебе рuce мой, душа моя, яко земля безводная Тебе. Скоро услыши мя, Господи, исчезе дух мой, не отврати лица Твоего от мене, и уподоблюся низходящим в ров. Слышану сотвори мне заутра милость Твою, яко на Тя уповах. Скажи мне, Господи, путь вонже пойду, яко к Тебе взях душу мою. Изми мя от враг моих, Господи, к Тебе прибегах. Научи мя творити волю Твою, яко Ты еси Бог мой. Дух Твой Благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающия души моей, Яко аз раб Твой есмь.

**И песнь:** Слава в вышних Бо́гу, и на земли мир, в человецех благоволение. Хвалим Тя, благословим Тя, кланяем Ти ся, славословим Тя, благодарим Тя, великия ради славы Твоея. Господи Царю небесный Бо́же Отче Вседержителю, Господи Сыне Единородный Иисусе Христе и Святыи Душе; Господи Бо́же, Агнче Бо́жий, Сыне Отець, вземляй грех мира, помилуй нас; вземляй грехи мира, прими молитву нашу; седяи одесную Отца, помилуй нас, яко Ты еси Един свят, Ты еси Един Господь Иисус Христос, в славу Бо́га Отца, аминь. На всяку ночь благословлю Тя, и восхвалю имя Твое во веки, и в век века. Господи, прибежище был еси нам в род и род. Аз рех: Господи, помилуй мя, исцели душу мою, яко согреших Тебе. Господи, к Тебе прибегах, научи мя творити волю Твою, яко Ты еси Бог мой, яко у Тебе источник живота, во свете Твоем узрим свет, пробави милость Твою ведущим Тя.

**Таже:** Сподоби, Господи, в ночь сию без греха сохранится нам. Благословен еси, Господи, Бо́же отец наших, и хва́льно, и прославлено имя Твое во веки, аминь. Буди, Господи, милость Твоя на нас, якоже уповахом на Тя. Благословен еси Господи, научи мя оправданием Твоим. Благословен еси Владыко, вразуми мя оправданием Твоим. Благословен еси Святыи, просвети мя оправданием Твоими. Господи, милость Твоя во век, дел руку Твоею не презри. Тебе подобает хвала, Тебе подобает пение, Тебе слава подобает, Отцу, и Сыну, и Святому Духу, ныне и присно, и во веки веков, аминь.

**Таже Символ веры:** В́ерую во еди́наго Бо́га Отца́, Вседержителя, Творца́ не́бу и земли́, ви́димым же всем и неви́димым. И во еди́наго Господа́ Иисуса́ Христа́, Сына́ Бо́жия, Единоро́днаго, Иже от Отца́ рождённаго прѣжде всех век; Света от Света, Бо́га истинна от Бо́га истинна, рождённа, несотворённа, единосущна Отцу́, Имже вся б́ыша. Нас ради́ человек и нашего́ ради спасения́ сше́дшаго с небес и воплотившагося от Ду́ха Свя́та и Мари́и Дѣвы, и вочеловѣчшася. Распя́таго же за ны при Понтийстем Пилате, и страда́вша, и погребѣнна. И воскресшаго в тре́тий день по Писа́нием. И возше́дшаго на небеса́, и седя́ща одесную́ Отца́. И па́ки грядущаго со славою́ судити живым и мѣртвым, Егѣже Ца́рствию не бу́дет конца́. И в Ду́ха Свята́го, Господа́, Животворя́щего, Иже от Отца́ исходя́щаго, Иже со Отце́м и Сыно́м спокланя́ема и сславима, глаго́лавшаго проро́ки. Во еди́ну Святу́ю, Собо́рную и Апо́стольскую Це́рковь. Испове́дую еди́но крещѣние во оставлѣние грехѣв. Ча́ю воскресѣния мѣртвых, и жи́зни б́удущаго ве́ка. Аминь.

**Зри:** Зде поется канон Божией Матери, без ирмосов.

**И по каноне поется:** Достойно есть яко воистинну блажити Тя Богородицу, присноблаженную и Пренепорочную и Матерь Бóга нашего. Честнейшую херувим и славнейшую без сравнения серафим, без исления Бóга Слово рóждшую, сущую Богородицу Тя величаем.

**Таже:** Трисвятое. Пресвятая Троице... Отче наш...

<b>Иерей:</b> Яко Твое есть Цáрство, и сила, и слава, Отца и Сына, и Святаго Духа, ныне и присно, и во веки веков <b>Чтец:</b> Аминь.	<b>Аще же иерея несть, абие:</b>
--	----------------------------------

**Тропарь по дню святого, и храму, и настоящия; аще же есть праздник, глаголи токмо кондак празднику:**

**Бóже отец наших, творяй присно с нами по Твоей кротости:** не остави милость Твою от нас, но молитвами их в мире управи живот наш.

**Иже во всем мире мученик Твоих, яко багрянницею и виссом, кровью Цérковь Твоя украсившаяся, теми вопиет Ти, Христé Бóже:** людем Твоим щедроты Твоя низпосли, мир жителству Твоему даруй, и душам нашим велию милость.

**Слава:** Со святыми упокой, Христé, души раб Твоих, идеже несть болезнь, ни печаль, ни воздыхание, но жизнь безконечная.

**И ныне:** Молитвами, Господи, всех святых, и Богородицы, Твой мир даждь нам, и помилуй нас, яко Един щедр.

**Господи, помилуй. (40 раз)**

**Таже молитву:** Иже на всякое время и на всякий час на небеси и на земли покланяемый и славимый Христé Бóже, долготерпеливе, многомилостиве, многоблагодарне, Иже праведныя любяй и грешныя милуяй, Иже вся зовый ко спасению обещания ради будущих благ. Сам Господи, прими и наша в час сей молитвы, и исправи живот наш к заповедем Твоим: души наша освяти, телеса очисти, помышления исправи, мысли очисти, и избави нас от всякия скорби, зол и болезней, огради нас святыми Твоими ангелы, да ополчением их соблюдаеми и наставляеми, достигнем в соединение веры, и в разум неприступныя Твоея славы: яко благословен еси во веки веков, аминь.

**Господи, помилуй (трижды).** Слава Отцу и Сыну и Святому Духу, и ныне и присно и во веки веков. Аминь.

**Честнейшую херувим и славнейшую без сравнения серафим, без исления Бóга Слово рóждшую, сущую Богородицу Тя величаем.**

<b>Таже:</b> Именем Господним благослови, отче <b>Иерей:</b> Молитвами святых отец наших, Господи Иисусе Христе Бóже наш, помилуй нас.	<b>Аще же иерея несть, глаголи токмо:</b> Молитвами святых отец наших, Господи Иисусе Христе Бóже наш, помилуй нас. Аминь
---	--

<b>Чтец:</b> Амѣнь.	
---------------------	--

**Таже молитвы сия:** Несквѣрная, неблазная, нетлѣнная, пречѣстная, чѣстая Дѣво, Богоневѣсто Владычице, яже Бѣга Слѣва человеком преслѣвнымъ Твоимъ Рождествѣмъ соединившая, и отринувшееся естество рѣда нашего небеснымъ совокупльшая, Яже ненадежныхъ едина Надежда и боримыхъ Помоще, готовое заступленіе къ Тебѣ притекающихъ, и всехъ христіанъ прибежище, не гнушайся менѣ грѣшнаго, сквѣрнаго, сквѣрными помысли, и словесы, и деяньми всего себѣ непотребна сотворша, и разумомъ лѣности сластей житія раба бывша; но яко человеколюбиваго Бѣга Мати, человеколюбне умиласѣрдися о мнѣ, грѣшнемъ и блуднемъ, и прими мое, еже от сквѣрныхъ устенъ приносимое Тебѣ молѣние, и Твоего Сына и нашего Владыку и Господа, Матернее Твое дерзновение употребляючи, моли, да отверзетъ и мнѣ человеколюбныя утробы Своея благодости, и презрѣв моя безчисленныя прегрѣшенія, обратитъ мя къ покаянію, и Своихъ заповѣдей дѣлателя искусна явитъ мя. И предстани мнѣ присно, яко милостивая, и милосѣрдная, и благолюбивая, в настоящемъ убо житіи теплая предстательнице и помощнице сопротивныхъ нашествія отгоняючи, и ко спасенію наставляючи мя: и во время исхода моего окаянную мою душу соблюдаючи, и темныя зраки лукавыхъ бесѣв далѣче отъ нея отгоняючи, в страшный же день суды вѣчныя мя избавляючи муки, и неизреченныя славы Твоего Сына и Бѣга нашего наследника мя показующи; юже и да улучу Владычице моя, Пресвятая Богородице, Твоимъ ходатайствомъ и заступленіемъ, благодатию и человеколюбиемъ Единороднаго Сына Твоего, Господа и Бѣга и Спаса нашего Иисуса Христа, Ему же подобаетъ всякая слава, честь и поклоненіе, со Безначальнымъ Его Отцемъ, и Пресвятымъ, и Благимъ, и Животворящимъ Его Духомъ, ныне и присно, и во веки вековъ. Амѣнь.

**И** даждь намъ, Владыко, на сонъ грядущимъ покойъ тѣла и души, и сохрани насъ отъ мрачнаго сна грѣховнаго, и отъ всякаго темнаго и ношнаго сладострастія; укроти стремленія страстей, угаси разжженныя стрѣлы лукаваго, яже на ны льстиво движимыя; плоти нашей востанія утоли, и всякое земное и вещественное наше мудрованіе успи. И даруй намъ, Бѣже, бодръ умъ, целомудръ помыслъ, сердце трезвящееся, сонъ лѣгокъ и всякаго сатанина мечтанія измененъ. Возстави же насъ во время молитвы утверждены въ заповѣдехъ Твоихъ, и память судѣбъ Твоихъ въ себѣ тверду имуща; всенѣщное славословіе намъ даруй, во еже пѣти и благословити и славити пречестное и великолѣпное имя Твое, Отца, и Сына, и Святаго Духа, ныне и присно, и во веки вековъ, Амѣнь.

**Зри:** Зде, аще хочеши, можеши прибавити молитвы на сонъ грядущимъ, наченъ отъ первыя (Бѣже вечный и Царю всякаго созданія...).

**Таже:** Преслѣвная Приснодѣво, Мати Христа Бѣга, принеси нашу молитву Сыну Твоему и Бѣгу нашему, да спасетъ Тобою души наша.

**Упованіе мое** Отецъ, прибежище мое Сынъ, покровъ мой Духъ Святыи: Троице Святая, слава Тебѣ.

<b>Аще иерей, глаголет:</b>	
-----------------------------	--

Слава Тебѣ, Христѣ Бѣже, упованіе наше, слава Тебѣ.	
---	--

	<b>Аще же иерея несть, абие глаголи:</b>
--	--

Слава Отцу и Сыну и Святому Духу, и ныне и присно и во веки вековъ. Амѣнь. Господи, помилуй. (**трижды**) Благослови.

**Аще иерей, став на колени (нам ниц лежащим), глаголет:** Владыко многомилостиве, Господи Иисусе Христе Боже наш, молитвами Всепречистыя Владычицы нашея Богородицы, и Приснодевы Марии, силою Честнаго и Животворящего Креста, предстательства честных небесных сил безплотных, честнаго славнаго пророка, Предтечи и Крестителя Иоанна, святых славных и всехвальных апостол, святых славных и добропобедных мучеников, преподобных и богоносных отец наших, святых и праведных Богоотец Иоакима и Анны, и всех Твоих святых, благоприятну сотвори молитву нашу. Даруй нам оставление прегрешений наших. Покрой нас кровом крилу Твоею. Отжени от нас всякаго врага и сопостата. Умири нашу жизнь, Господи, помилуй нас и мир Твой, и спаси души наша, яко Благ и Человеколюбец.

**Таже глаголет:** Ослаби, остави, прости, Боже, прегрешения наша, вольная и невольная, яже в слове, яже в деле, яже в ведении и не в ведении, яже во дни и в ночи, яже во уме и в помышлении: вся нам прости, яко Благ и Человеколюбец.

**Таже сотворив игумен или чередной иерей поклон на земли, глаголет братии:** Благословите, отцы святии, простите ми грешному.

**И братия:** Бог простит ти, отче святый. Прости и нас и помолися о нас.

**Таже чередной иерей:** Помолимся о Великом господине и отце нашем, Святейшем Патриарсе Алексии [и о господине нашем преосвященнейшем епископе (или архиепископе, или митрополите, *имярек*)].

**Мы же безпрестанно поем:** Господи, помилуй, **на всякий стих.**

**Иерей:** О богахранимеей стране нашей, властех и воинстве ея. О отце нашем, *имярек*, и всей во Христе братии нашей. О ненавидящих и любящих нас. О милующих и служащих нам. О заповедавших нам недостойным молиться о них. О избавлении плененных. О отшедших отцех и братиях наших. О в мори плавающих. О в немощех лежащих. Помолимся и о

**Аще же иерея несть, глаголи:** Господи Иисусе Христе, Сыне Божий, молитвами Пречистыя Твоея Матере, преподобных и богоносных отец наших и всех святых, помилуй и спаси нас, яко Благ и Человеколюбец.

**Таже, сотворив поклон на земли, глаголи:** Ослаби, остави, прости, Боже, прегрешения наша, вольная и невольная, яже в слове, яже в деле, яже в ведении и не в ведении, яже во дни и в ночи, яже во уме и в помышлении: вся нам прости, яко Благ и Человеколюбец.

**Таже глаголи сущим с тобою молящимся:** Прости мя грешнаго.

**И отвечает кийждо:** Бог простит ти, и ты мя прости.

**Таже:** Ненавидящих и обидящих нас прости, Господи Человеколюбче. Благотворящим благосотвори. Братиям и сродником нашим даруй яже ко спасению прошения, и жизнь вечную. В немощех сущия посети и исцеление даруй. Яже в мори управи. С путешествующими спутешествуй. Служащим и милующим нас грехов оставление даруй. Заповедавших нам недостойным молиться о них помилуй по велицей Твоей милости. Помяни, Господи, прежде усопшия отцы и братию нашу и упокой я, идеже присещает свет лица Твоего. Помяни, Господи, братий наших плененных, и избави я от всякаго обстояния. Помяни, Господи, плодоносящих и доброделающих во

изобилии плодов земных. И о всякой души христиан православных. Ублажим православных архиереев, и ктиторов святого храма сего (или: святых обители сея). Родители наша, и вся прежде отшедшие отцы и братию нашу, здесь лежащие и повсюду православных.

**Таже:** Рцем и о себе самех. **И поем:** Господи, помилуй, *(трижды)*

**И последи иерей глаголет:** Молитвами святых отец наших, Господи Иисусе Христе Боже наш, помилуй нас.

**Отвечаем:** Аминь.

**И приемши прощение от предстоятеля, отходим, глаголюще кийждо молитву сию:**

Ненавидящих и обидящих нас прости, Господи Человеколюбче...

святых Твоих церквах, и даждь им яже ко спасению прошения, и жизнь вечную. Помяни, Господи, и нас, смиренных и грешных и недостойных раб Твоих, и просвети наш ум светом разума Твоего, и настави нас на стезю заповедей Твоих, молитвами Пречистой Владычицы нашей Богородицы и Приснодевы Марии и всех Твоих святых. Яко благословен еси во веки веков. Аминь.

**Таже:** Молитвами святых отец наших, Господи Иисусе Христе Боже наш, помилуй нас. Аминь.

**Конец и Богу слава**